

Tunisassianik ineriartortitsinermit, ingerlatanut avammut tuniniaanissamik siuarsaasunut, kalaallit nerisassiaannik atuinermik siuarsaasunut aamma inuussutissarsiutigalugu siunnersortinit ikiorneqarnissamut (kittaartagaq) tapersiissuteqartarneq pillugu Namminersorlutik Oqartussat nalunaarutaat nr. 3, 17. februaari 2014-imeersoq Atuussimasoq (Historisk)

Nunami inuussutissarsiutinut tunngatillugu inuussutissarsiornermik siursaaneq pillugu Inatsisartut inatsisaanni nr. 20, 3. december 2012-imeersumi § 6, § 8, imm. 3 aamma § 9, imm. 3 malillugit aalajangersarneqarpoq:

Kapitali 1

Tunisassianik ineriartortitsinermit tapersiisarneq

Tapersiissutip annertussusaa

§ 1. Tunisassianik ineriartortitsinermit aningaasartuutininik utertitsineq, tapersiinissaq pillugu neriorsuutaasumi aalajangersagaasumik procentinngortitamik annertussusilerlugu tunniunneqassaaq. Aningaasartai minnerpaamik 50.000 koruuniutillugit aamma aningaasartai annerpaamik 300.000 koruuniutillugit tapersiissuteqartoqarsinnaavoq.

Neriorsuutaasup sivisussusaa

§ 2. Tunisassianik ineriartortitsinermit tapersiissuteqarnissamik neriorsuutaasoq, tunniussinissaq pillugu qinnuteqaammik tunniussinissamut piffissaliussap neriorsuutaasumi aalajangersagaasup naanerani ingerlaannartumik atorunnaassaaq.

Kapitali 2

Ingerlatanut avammut tuniniaanissamik siursaataasunut tapersiisarneq

§ 3. Aningaasat ukiumoortumik aningaasanut inatsimmi immikkoortinneqartut iluanni, ingerlatanut avammut tuniniaanissamik siuarsaataasunut tapersiinissaq pillugu neriorsuuteqartoqarsinnaavoq, ilanngullugit avammut tuniniaasarnermut siunnersuisooqatigiinnit, niuertut peqatigiiffiannit ilaalu ilanngullugit siunnersorneqarnissamik pisinerit, kiisalu nittarsaassineq. § 6 naapertorlugu.

Imm. 2. Piffissap ukiunik pingasunik sivisussuseqartup iluani, inummut imaluunniit ingerlatseqatigiiffimmut ataatsimut annerpaamik neriorsuutit marluk nalunaarutigineqarsinnaapput.

Tapersiissutip annertussusaa

§ 4. Ingerlatanut avammut tuniniaanissamut siuarsaataasunut aningaasartuutunik utertitsineq, procentiliussaq tapersiissuteqarnissamik neriorsuutaasumi aalajangersagaasoq malillugu tunniussivigineqassaaq, taamaattorli annerpaamik 50.000 koruuniussalluni. § 6 naapertorlugu.

Neriorsuutaasup sivisussusaa

§ 5. Ingerlatanut avammut tuniniaanissamut siuarsaataasunut tapiissuteqarnissamik neriorsuutaasoq, piffissaliussap neriorsuutaasumi aalajangersagaasup naanerani ingerlaannartumik atorunnaassaaq

Kapitali 3

Kalaallit nerisassiaannik atuineramik siuarsaanermut tapersiisarneq

§ 6. Aningaasat ukiumoortumik aningaasanut inatsimmi immikkoortinneqartut iluanni, kalaallit nerisassiaannik atuineramik siuarsaanermut tapersiinissaq pillugu neriorsuuteqartoqarsinnaavoq.

Imm. 2. Tapersiinissamik neriorsuuteqarneq kalaallit nerisassiaannik tunisassianik ineriartortitsinerimut nittarsaassinermullu tunniunneqarsinnaavoq.

Imm. 3. Imm. 1 malillugu neriorsuuteqarneq, § 1 aamma § 4 malillugit tapersiinissamik neriorsuuteqarnermut ataqatigiissinneqarsinnaanngilaq.

Tapersiissutip annertussusaa

§ 7. Kalaallit nerisassiaannik atuineramik siuarsaanermut aningaasartuutunik utertitsineq, procentiliussaq tapersiissuteqarnissamik neriorsuutaasumi aalajangersagaasoq malillugu tunniussivigineqassaaq. Aningaasartai minnerpaamik 25.000 koruuniutillugit aammalu aningaasartai annerpaamik 200.000 koruuniutillugit tapersiissuteqartoqarsinnaavoq.

Neriorsuutaasup sivilissusaa

§ 8. tapersiissuteqarnissamik neriorsuutaasoq, piffissaliussap neriorsuutaasumi aalajangersagaasup naanerani ingerlaannartumik atorunnaassaaq.

Kapitali 4

Kittaartagaq – Inuussutissarsiutigalugu siunnersortinit ikiorneqarnissamut tapersiisarneq

§ 9. Piffissap ukiunik pingasunik sivilissuseqartup iluani, inummut imaluunniit ingerlatseqatigiiffimmut ataatsimut inuussutissarsiutigalugu siunnersortinit ikiorneqarnissamut aningaasanik aalajangersimasumik annertussusilinnik tapersiivigineqarnissamut annerpaamik neriorsuutit marluk tunniunneqarsinnaapput.

Tapersiissutip annertussusaa

§ 10. Inuussutissarsiutigalugu siunnersortinit ikiorneqarnermut aningaasartuutunik utertitsinermi, aningaasartuutit tamakkiisut tunniunneqassapput, taamaattorli suliffeqarfimmik Kalaallit Nunaanni tuniniaasussamik sullissisussamillu pilersitsinermit tunngatillugu inuussutissarsiutigalugu siunnersortinit ikiorneqarnermut aningaasartuutitut annerpaamik 12.000 koruunit.

Neriorsuutaasup sivilissusaa

§ 11. Inuussutissarsiutigalugu siunnersortinit ikiorneqarnissamut (kittartagaq) neriorsuutaasoq, tunniussinissaq pillugu qinnuteqaammik tunniussinissamut piffissaliussap neriorsuutaasumi aalajangersagaasup naanerani ingerlaannartumik atorunnaassaaq.

Kapitali 5

Aalajangersakkat nalinginnaasut

§ 12. Aningaasartuutit tapersiissutaasup aningaasartaannik tamakkiisunik tunniunneqarnissaannik pisinnaatitaaffiliisut aningaasartuutigineqareersimappata uppersarsarneqarlutillu, tapersiissutaasoq ataatsimoortillugu tunniunneqarsinnaavoq. Aningaasartuutit tapersiissutaasup aningaasartaasa tamakkiisut ilaasa tunniunneqarnissaannik pisinnaatitaaffiliisut aningaasartuutigineqareersimappata uppersarsarneqarlutillu, tapersiissutaasoq ilaannakortumik tunniunneqarsinnaavoq.

Imm. 2. Tapersiissutaasumik tunniussinissamut piumasaqaataavoq, aningaasartuutit neriorsuutaasumi siunertatut allassimasumut toqqaannartumik tunngatinneqarsinnaassasut.

Imm.3. Tapersiissutaasoq aningaasartuutitut tapersiissuteqarnissaq pillugu neriorsuuteqarneq sioqqullugu aningaasartuutigineqarsimasunut tunniunneqarsinnaanngilaq.

Nalunaaruteqartarneq

§ 13. Tapersiissummik tiguisisussaq uppersarsaatip ilaatut suliaasaq ataatsimoortoq pillugu aammalu aningaasanik atuinnermut tunngatillugu nalunaarusiamik suliaqassaaq.

Imm. 2. Nalunaarusiaq nalunaarusiamut immersugassaq immersorlugu tunniunneqassaaq aamma kingusinnerpaamik tapersiissummik tunniussinissamut qinnuteqaammut peqatigitillugu nassiunneqassalluni.

Atuutilerfia

§ 14. Nalunaarut manna 18.februaari 2014 atuutilerpoq. Peqatigisaanik atorunnaarsinneqarpoq Takornariartitsisarnermik inuussutissarsiuuteqarnermi nunamilu inuussutissarsiuuteqarnermi tunisassianik ineriartortitsinermit kiisalu takornariartitsisarnermik inuussutissarsiuuteqarnermi taarsigassarsianik allanngortitsisarnermut tapiissuteqartarneq pillugu Namminersornerullutik Oqartussat nalunaarutaat nr. 9, 5. april 2002-meersoq.

Namminersorlulik Oqartussat, ulloq 17. februaari 2014

Jens-Erik Kirkegaard

/

Jørn Skov Nielsen